



29. oktober 2010

Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeq-quteqarniarpunga.

(Kristian Jeremiassen, Siumut)

Naalackersuisunut Apequt:

Illoqarfiup avataani KNR-Radio tusarnaarneqarsinnaajunnaarniarpa?

KNR-Radio tusarnaarneqarsinnaajunnassappat taartissaanik nutaamik aaqjiisoqarniarpa?

VHF-ip atuineq pitsanngorsaaffigineqarniarpa?

Tunngavilersuut:

Tele Greenland A/S-ip aviisi saqqummiuttagaani Online-imi saqqummersumi allaaserineqarpoq mellembølgikkut radiumik aallakaatitsisarneq atorunnaarsinneqassasoq. Mellembølge-kkut aallakaatitsisarunnaarnerup kingunerissavaa illoqarfiup avataani KNR-Radio tusarnaarneqarsinnaajunnaarnera.

Kalaallit qangaaniilli ileqqorivarput asimi angalasarneq, aamma ileqquuvoq radio-ip tusarnaartarnera asimi, pingaartuuvormi radio tusarnaassallugu KNR-Radio-kkummi silassaq aallakaatinneqartartoq aallakaatitassallu allat tusarnaarneqartarmata, isumaqarpungalu sullissineq tamanna ajunngilluinnartortoq atorneqartoq. Taamaattumik Naalackersuisunut nassuiaquara ilumut “asimi” KNR-radio-ip tusarnaarneqassaassanersoq.

Aalisartukkunnut, piniatukkunnut, ilami innuttaasunut tamanut sunniuteqasooq ulluinnarni illoqarfiup avataani angalasartunut KNR-Radio-imik tusarnaasinnaajunnaarneq.

KNR-Radio tassaavoq angalanermi iluaqutaasoq pingaartumik silassap qanoq innissaa ilimasaarutigisaramikku taamaalilluni ullorpaalunni angalasunut silassamik ilimasaarineq iluaqutaasarluni.

Mellembølgekkut tusarnaarsinnaajunnaarnerup kingorna aamma paaserusuppara allamik taarteqartitsiniarnersut, imatut paasillugu Radio-imik tusarnaarsinnaaneq suli periarfissinnianeqarnerseq siunissami. taamaalilluni nunarsuaq ammaruttuinnartutut milliartuinnartutullu oqaatigisartakktinnut malinnaaginnarsinnaaniassagatta.

Tele Greenland A/S-ip aviisi saqqummiuttagaani Online-imi saqqummersumi aamma oqaatigineqarpoq silassaq tusarneqassappat tamanna VHF Radio aqutugalugu pisinnaasoq, kisiannili nalunnngilarput nunarput kangerluppasuarnik ulikkaartoq taamaalilluni VHF Radio sukulluunniit naatsorsuutigineqarsinnaanani, taamaattumik VHF Radio-imik pitsanngorsaasoqarniarnersoq matumani aamma nassuiaquara, tassami kangerluit iluannut pilaarluniluunniit VHF Radio atorsinnaajunnaartarpoq inorsalertarami.

Apeqqutingaatinga ullut suliffiusut qulit qaangiuttinnagit akineqarnissaa qinnutigivara.